



Baixo o título "**CON SOBERANÍA ALIMENTARIA, SEN TRANSXÉNICOS: ARTELLANDO LOITAS**", os días **15 e 16 de marzo** celebrarase en Bilbo un **foro ibérico** para coordinar loitas e estratexias a favor dunha agricultura e unha **alimentación libre de transxénicos**

. O foro está orientado cara os movementos sociais contrarios á enxeñería xenética na Península Ibérica e a organizacións produtoras de alimentos (labregos/as, comunidades indíxenas, hortas urbanas, etc) a nivel mundial. ADEGA e outras

[organizacións galegas](#)

imos participar neste foro aprender das experiencias doutras comunidades e trasladalas a Galiza, dentro da campaña iniciada pola

[Plataforma Galega Anti-Transxénicos](#)

· [Programa FORO OXM](#)

---

A iniciativa organízase nun momento chave na loita a favor da **soberanía alimentaria** e en contra dos organismos xeneticamente modificados na agricultura e a alimentación:

-A

### **oposición cidadá**

aos alimentos transxénicos mantívose firme durante os últimos anos a pesar da enorme presión exercida polas empresas de enxeñería xenética e as actitudes e accións prol-transxénicos de moitos gobernos en diferentes lugares do Planeta. Un crecente corpo de información científica e económica dá razón a este rexeitamento cidadán.

-Concretamente na Unión Europea, estase visualizando un claro e crecente

### **desmarque de numerosos gobernos**

rexionais e estatais respecto da postura prol-transxénica da maior parte da Comisión Europea, con moratorias a determinadas variedades modificadas xeneticamente (XM) introducidas por diversos Estados Membros. O propio Comisario de Medio Ambiente contempla rexeitar novas variedades de millo, á vez que variedades XM xa no mercado como o MON810 son xa ilegais ao non superar a renovación de aprobación que marca a lexislación. Estase á porta dunha Europa libre de cultivos transxénicos, fito que beneficiaría enormemente a loita a favor dun mundo libre de OXM.

-No contexto Europeo, a

### **Península Ibérica**

segue sendo onde maior superficie de variedades OXM se sementa, polo que as estratexias adoptadas polos movementos sociais locais son claves na loita contra os transxénicos.

O foro organízase ao redor dos seguintes

## **PRINCIPIOS BÁSICOS**

:

1. A necesidade de garantir a  
**agricultura e alimentación libres de transxénicos**  
, tanto ecolóxica ou convencional/tradicional.

2.  
**Tolerancia cero**  
á contaminación OXM en todas as actividades e todos os produtos agrarios e alimentarios.

3. A  
**imposibilidade da coexistencia**  
entre sistemas de produción agraria e alimentaria transxénica e non transxénica.

4. O  
**dereito á soberanía alimentaria**  
e ao uso e conservación da biodiversidade por parte das persoas produtoras de alimentos,  
ambos incompatibles coa agricultura e alimentación OXM.

O obxectivo básico do foro é

## **analizar e artellar estratexias comúns**

tanto para promover os obxectivos das organizacións que participan como para garantir os  
catro principios básicos detallados arriba. Quérese

## **compartir información**

e facilitar a plasmación dunha voz forte e clara no movemento por unha agricultura libre de  
OXM de parte dos movementos da Península Ibérica e da poboación campesiña a nivel  
mundial.

Proponse abordar os seguintes

## **TEMAS**

:

1.  
Como manter, promover e/ou recuperar sistemas de produción agraria e alimentación libres de  
OXM:

**a.** Implicacións para cultivos con variedades XM no mercado ou que xa están contaminando  
cultivos non-XM      **b.** Implicacións para alimentos gandeiros: alimento gandeiro libre de OMG  
no contexto da produción local de alimento gandeiro (soia e millo libre de OXM é unicamente  
un paso)      **c.** A importancia das sementes de variedades campesiñas  
locais en mans das poboacións locais de produción de alimentos para a agricultura libre de

OXM **d.** A importancia do consumo responsable:  
mercados locais, hábitos de consumo, alimentos libres de XM

**e.**  
O papel das declaracións de zonas libres de OXM

**f.**  
O papel da OMC e, para a UE, a reforma da PAC para a agricultura libre de OXM

**g.**  
Lexislación vixente que obstaculiza ou que favorece a agricultura e alimentación libre de OXM

**2.**  
O papel especial das mulleres en garantir tanto a agricultura como a alimentación libre de OXM

**3.**  
Novos retos que ameazan o movemento libre de OXM: mutaxénese, nanotecnoloxía, bioloxía sintética, terminator, patentes, cambio climático, agrocombustibles...

Sublíñase que, en todos os casos, o obxectivo principal é chegar a identificar e artellar **estratexias de loita**

.

Esta iniciativa está aberta a todas as organizacións de produtores/as de alimentos a nivel mundial (poboación campesiña, comunidades indíxenas, comunidades de pesca, grupos de hortas urbanas...) e a todos os movementos da sociedade civil da Península Ibérica, en ambos os casos, aquelas organizacións que están de acordo cos principios básicos detallados arriba. Estes principios formarán o punto de partida para os debates sobre estratexias comúns que se realizan durante este foro.

O foro porá a súa maior énfase en grupos de traballo, con moi curtas sesións plenarias de introdución e de posta en común das consideracións de cada grupo de traballo.